

HOOFSTUK 24: DIE HOOFBESTUUR

1. INLEDING

- 1.1 Die grondwet bemaatig die hoofbestuur in artikel 26.2 om as die hoogste gesagsliggaam van *Die Voortrekkers* op te tree wanneer die kongres nie in sitting is nie.
- 1.2 Die reglement is van toepassing op alle bestuursliggame en lede van *Die Voortrekkers*.
- 1.3 Die gesagsveld van die hoofbestuur is alle Voortrekkerliggame in die Republiek van Suid-Afrika en elders waar die grondwet van *Die Voortrekkers* van krag is of gemaak word.
- 1.4 Die hoofbestuur voer gesag oor die lede van kommando's en veldkornetskappe los van kommando's asook spanne los van kommando's wat by 'n gebied geregistreer is.

2. ALGEMENE BEPALINGS

- 2.1 Die hoofbestuur is 'n organisasie-element op die eerste bestuursvlak van *Die Voortrekkers*.
- 2.2 *Die hoofbestuur en die hoofdagbestuur* is bestuursliggame.

3. DIE HOOFBESTUUR

3.1 Samestelling

- Die hoofbestuur word saamgestel soos in die grondwet onderskryf.
- 3.1.1 die lede van die hoofdagbestuur;
 - 3.1.2 alle gebiedsleiers;
 - 3.1.3 adjunkgebiedsleiers [administrasie] van gebiede met meer as 1000 lede;
 - 3.1.4 bykomende adjunkgebiedsleiers vir gebiede met meer as 1000 lede op grond van proporsionele verteenwoordiging. Die getal lede vir elk van hierdie gebiede word volgens hierdie formule bepaal, afgerond tot die naaste heelgetal: $(Y \times Z) / X$
 - a) X = die totale getal lede van *Die Voortrekkers* aan die einde van die vorige jaar
 - b) Y = die getal gebiede waaruit *Die Voortrekkers* in die lopende jaar bestaan
 - c) Z = die getal lede wat 'n gebied aan die einde van die vorige jaar gehad het.
 - d) 'n lid 'n persoon is wat geregistreer was en vir die bepaalde jaar lidmaatskapsgeld betaal het en waarvan die geld aan die hoofkantoor oorbetaal is;
 - e) *die lopende jaar*, die jaar is waarvoor die getalle bepaal word
 - 3.1.5 die hoofskakeldraer en adjunkhoofskakeldraer van die staatmakers;
 - 3.1.6 'n gebiedsdagbestuur kan 'n gebiedsdagbestuurslid en die nasionale komitee: staatmakers 'n lid van die nasionale komitee nomineer om as sekundus op 'n hoofbestuursvergadering sitting te neem op koste van die hoofbestuur in die plek van die lid van daardie gebied of die nasionale komitee: staatmakers vir wie dit onmoontlik is om die betrokke vergadering by te woon.

3.2 Konstituering

- 3.2.1 Die hoofleier word deur die afgevaardigdes op die kongres verkies volgens die voorskrifte in artikel 4.2.1 van hierdie hoofstuk.
- 3.2.2 Die uittredende hoofdagbestuur bepaal volgens die formule in artikel 3.1.4 die getal bykomende adjunkgebiedsleiers van elke gebied wat op die hoofbestuur sitting moet neem.
- 3.2.3 Die uittredende hoofbestuur oorweeg 'n voorlegging van die nuutverkose hoofleier oor die getal hoofdagbestuurslede en die voorgestelde portefeuljes en besluit daaroor.
- 3.2.4 Die uittredende hoofbestuur bepaal die getal lede wat die nuwe hoofbestuur vorm onderworpe daaraan dat die getal lede van die hoofdagbestuur, insluitende die hoofleier, nie een derde van die totale getal lede van die hoofbestuur oorskry nie.
- 3.2.5 Die kieskollege verkies die adjunkhoofleiers [administrasie] en [finansies] volgens die voorskrifte in artikel 4.2 van hierdie hoofstuk.
- 3.2.6 Die kieskollege verkies die ander adjunkhoofleiers volgens die voorskrifte van artikel 4.2 van hierdie hoofstuk.
- 3.2.7 Elke gebiedsbestuur wys sy verteenwoordigers op die hoofbestuur aan by sy konstituering met dien verstande dat 'n persoon ophou om 'n gebied te verteenwoordig wanneer hy nie meer 'n lid is van die betrokke gebiedsdagbestuur nie.
- 3.2.8 Die staatmakerkonferensie wys die hoofskakeldraer en adjunkhoofskakeldraer aan.
- 3.2.9 Die hoofbestuur moet binne drie maande na afloop van die kongres konstitueer.

3.3 Dienstermyn

- 3.3.1 Die hoofbestuur se dienstermyn strek van een kongres tot die volgende, onderworpe daaraan dat die termyn van individuele lede dieselfde tydsduur beloop maar nie met die termyn van die hoofbestuur hoef saam te val nie soos artikel 3.3.2 van hierdie hoofstuk bepaal.
- 3.3.2 Die termyn van elke verteenwoordiger op die hoofbestuur is soos volg:
- lede van die hoofdagbestuur: vir die volle termyn van die hoofbestuur;
 - gebiedsleiers en adjunkgebiedsleiers: vir die gedeelte van die termyn van die hoofbestuur tot die volgende verkiesing van die gebiedsdagbestuurslede, waarna hulle vervang word deur die nuutverkose gebiedsverteenwoordigers en
 - die hoofskakeldraer en adjunkhoofskakeldraer van die staatmakers: vir die termyn soos bepaal in hoofstuk 8 van die reglemente.

3.4 Vergaderings

- 3.4.1 Die adjunkhoofleier [administrasie] roep alle lede wat sitting het op na vergaderings van die hoofbestuur.
- 3.4.2 Die hoofbestuur vergader so dikwels as wat nodig is, maar ten minste een keer per jaar.
- 3.4.3 Lede van gebiedsdagbestuurslede wat nie lede van die hoofbestuur is nie kan vergaderings van die hoofbestuur op koste van die betrokke gebied bywoon, onderhewig aan die voorskrifte in hoofstuk 1 artikel 4.5. van die reglemente;
- 3.4.4 Die hoofdagbestuur kan voorsitters van komitees of taakgroepe en ander kundiges nooi om bepaalde gedeeltes van vergaderings van die hoofbestuur in raadgewende hoedanigheid by te woon.
- 3.4.5 Die hoofleier tree as voorsitter van die vergaderings van die hoofbestuur op.
- 3.4.6 Die adjunkhoofleier [administrasie] tree as sekretaris van die vergaderings op.
- 3.4.7 'n Gewone meerderheid van die lede van die hoofbestuur vorm 'n kworum vir 'n vergadering.

3.5 Magte, pligte en werksaamhede

- 3.5.1 Die hoofbestuur voer die werksaamhede uit soos bepaal in die Grondwet, artikel 26.2.4 onderhewig daaraan dat verslae skriftelik moet wees.
- 3.5.2 Die hoofbestuur doen toekennings aan offisiere, staatmakers en ander persone/instansies soos in hoofstuk 11 van die reglemente bepaal.
- 3.5.3 Die hoofbestuur groepeer die kommando's in gebiede, nie op die basis van die staatkundige provinsies nie, maar sover moontlik in prakties werkbare eenhede.

4. DIE HOOFDAGBESTUUR

4.1 Samestelling

Die hoofdagbestuur bestaan uit:

- 4.1.1 die hoofleier;
- 4.1.2 die adjunkhoofleier [administrasie] en adjunkhoofleier [finansies];
- 4.1.3 drie of meer adjunkhoofleiers soos deur die hoofbestuur bepaal.
- 4.1.4 'n Persoon/persone kan ook op die hoofdagbestuur aangestel word, gesalarieer of nie, om 'n goed gedefinieerde taak (bv. Finansies, administrasie, ensovoorts) te vervul. Die aangestelde persoon/persone kan in die hoofdagbestuur optree met spreekreg maar nie stemreg nie. Die aanstelling van die persoon/persone raak egter nie die normale bestuursposte soos uiteengesit in die Grondwet en Reglemente nie. Die aangestelde persoon/persone se dienste kan te enige op 'n redelike wyse beëindig word en daar word geen tydperk van aanstelling aan gekoppel nie.
- 4.1.5 Indien 'n hoofdagbestuurslid nie self die lynbestuurder van Penkoppe en Drawwertjie, Verkenner, Staatmaker en Volwasse sake nasionale komitee is nie, die betrokke lynbestuurder van die komitee ten minste vir die deel van die vergadering wat die betrokke portefeulje onder bespreking is, die betrokke bestuursvergadering bywoon maar met inagneming van onnodige koste.

4.2 Verkiesing

- 4.2.1 Die hoofleier word met 'n volstrekte meerderheid deur die afgevaardigdes op die kongres verkies na voorafnominasies deur enige kommandobestuur, oordbestuur of gebiedsbestuur. Sodanige nominasies moet van 'n curriculum vitae en 'n onlangse foto vergesel wees asook 'n onderneming van die kandidaat dat hy beskikbaar is om te dien indien hy verkies sou word.

- 4.2.2 Die adjunkhoofleier [administrasie], adjunkhoofleier [finansies] en die ander adjunkhoofleiers word met 'n volstreekte meerderheid deur 'n kieskollege verkies na afsonderlike voorafnominasies vir die drie range deur enige kommandobestuur, oordbestuur of gebiedsbestuur. Sodanige nominasies moet van 'n curriculum vitae en 'n onlangse foto vergesel wees asook 'n onderneming van die kandidaat dat hy beskikbaar is om te dien indien hy verkies sou word.
- 4.2.3 Die kieskollege bestaan uit die sittende lede van die hoofbestuur en ook bykomende lede per gebied op grond van proporsionele verteenwoordiging. Die hoofbestuur bepaal van tyd tot tyd die formule waarvolgens proporsionele verteenwoordiging toegeken word. Die hoofbestuur moet ten minste 60 dae voor die kongres die finale samestelling van die kieskollege aan gebiedsbesture bekend maak.
- 4.2.4 Geen lid van die hoofdagbestuur mag vir meer as twee opeenvolgende termyne in dieselfde rang op die hoofdagbestuur dien nie onderhewig daaraan dat:
- vir 'n persoon wat tussentyds verkies word die volgende sal geld: indien die onverstreke tydperk die helfte of meer as die helfte van die normale dienstermyn is, dan word sodanige tydperk as 'n volle termyn gereken; indien die onverstreke gedeelte minder as die helfte van 'n normale dienstermyn is, word sodanige tydperk nie as 'n termyn gereken nie.
 - die rang van hoofleier, adjunkhoofleier [administrasie], adjunkhoofleier [finansies] en adjunkhoofleier is vier aparte range.
 - in buitengewone gevalle kan die hoofbestuur 'n goed gemotiveerde aansoek by die kieskollege indien dat 'n persoon vir 'n derde termyn verkiesbaar moet wees en die aansoek moet voor die aanvang van die verkiesing ingedien en goedgekeur wees.
- 4.2.5 Ten minste een lid van elke geslag moet op die hoofdagbestuur dien met dien verstande dat indien die enigste lid van 'n geslag se lidmaatskap van die hoofdagbestuur om watter rede ookal beëindig word die werking en besluite van die hoofdagbestuur nie ongeldig sal wees bloot omdat die bepalings ten opsigte van die verskillende geslagte nie nagekom kan word nie onderhewig daaraan dat die genoemde bepaling teen die volgende vergadering nagekom word.
- 4.2.6 In die geval van die vulling van tussentydse vakatures wat op die hoofdagbestuur mag ontstaan, kan die hoofdagbestuur óf die kieskollege byeenroep óf die verkiesing deur 'n vertroulike posstemming laat geskied. Die volgende stappe word gevolg:
- Die hoofdagbestuur vra gebiedsdagbesture om die lede te benoem wat namens hom op die kieskollege dien soos in artikel 4.2.3 hierbo aangedui, onderhewig daaraan dat dieselfde getal lede benoem word as wat tydens die vorige verkiesing op die kieskollege gedien het.
 - Die hoofdagbestuur vra nominasies van persone om die vakature te vul van die bestuursliggame wat kan nomineer. Sodanige genomineerde moet verklaar dat hy bereid is om te dien indien hy verkies sou word. Verder moet hy 'n curriculum vitae en 'n onlangse foto voorsien.
 - Die hoofdagbestuur laat die kieskollege 'n kandidaat verkies tydens 'n vergadering van die kieskollege of per posstemming deur lede van die kieskollege.
 - Indien geen kandidaat 'n volstreekte meerderheid behaal in die posstemming wat gehou is op 'n wyse soos in hoofstuk 18, artikels 16.12 tot 16.16 en artikel 19 van die reglement bepaal is nie, moet die hoofbestuur op sy volgende sitting die stemming afhandel.
- 4.2.7 Die lede van die hoofdagbestuur dra die rangkentekens soos uiteengesit in hoofstuk 26 van die reglemente.
- 4.3 Dienstermyn**
- 4.3.1 Die hoofdagbestuur se dienstermyn strek van een kongres tot die volgende kongres.
- 4.3.2 Die hoofdagbestuur moet binne 3 dae na afloop van die kongres konstitueer.
- 4.4 Vergaderings**
- 4.4.1 Die adjunkhoofleier [administrasie] roep die vergadering van die hoofdagbestuur op.
- 4.4.2 Die hoofdagbestuur vergader so dikwels as wat dit nodig is, maar ten minste een keer per kwartaal.

- 4.4.3 Die hoofdagbestuur kan voorsitters van komitees of taakgroepe en ander kundiges nooi om bepaalde gedeeltes van vergaderings van die hoofdagbestuur in raadgewende hoedanigheid by te woon.
 - 4.4.4 Die hoofleier tree as voorsitter van die vergaderings van die hoofdagbestuur op.
 - 4.4.5 Die adjunkhoofleier [administrasie] tree as sekretaris van die vergaderings van die hoofdagbestuur op.
 - 4.4.6 'n Gewone meerderheid van die lede van die hoofdagbestuur vorm 'n kworum vir 'n vergadering.
- 4.5 Magte, pligte en werksaamhede**
Die hoofdagbestuur verrig die take soos vervat in Grondwet, artikel 26.3.6 en 26.3.7.